

VI TAR KAMPEN FOR NOREGS 1000-ÅRIGE KRISTNE ARV!

Partiet Dei Kristne er partiet som vil bygge vidare på fast grunn: Vi kombinerer respekt for fridomen til enkeltmennesket med tradisjonelle kristne verdiar som ansvar og omsorg for sin neste, og finn oppskrifta på eit samfunn som er fritt og trygt for alle - uansett kven du er eller kvar du kjem frå.

Partiet Dei Kristne er for alle som vil:

- ha kristendomsfaget tilbake i grunnskulen.
- verne om livet frå unnfangelse til naturleg død.
- at alle barn bør ha rett til både ei mor og ein far, og til å kjenne sitt eige opphav.
- at barna skal få høve til å vere meir saman med foreldra sine.
- ha norsk matvareberedskap tilbake til eit nødvendig nivå.
- reforhandle Schengen- og EØS-avtalen og styrke norsk grensekontroll.
- styrke politi, forsvar, sikkerheit og beredskap.
- oppmuntre til initiativ, entreprenørskap og innovasjon.

For å kunne gjere endringar i desse sakene, må vi begynne lokalt! Du og eg må bli høyrte, og då må vi få inn folk i kommunestyret som tør å løfte stemma si, og som vil stå distansen ut med å ta opp kampen for verdiane våre!

Vi har folk på lista vår som tør å seie ifrå, og som vil bli høyrde lokalt i Volda kommune. Hjelp oss med å få dei inn ved å stemme på Partiet Dei Kristne i komande lokalval!

Hugs at du også kan bruke lista vår ved fylkestingsvalet! Partiet Dei Kristne trengst også der!

 De Kristne

 Partiet De Kristne, Møre og Romsdal

DI SJEKKLISTE

Sjå kvifor du som bur i Volda bør stemme Partiet Dei Kristne:

- 1. Ja til at Noreg framleis skal vere ein kristen nasjon.
- 2. Ja til å behalde lensmannskontoret i Hovdebygda- nei til sentralisering og nedlegging.
- 3. Vi ønskjer ei regional mobilisering mot nedlegging/nedbemanning av eit velfungerande Volda sjukehus.
- 4. Ja til auka satsing på vegbygging utan bruk av bompengar.
- 5. Ja til likebehandling mellom private og offentlege skular.
- 6. Ha eit tydeleg fokus på eldreomsorga, og legge til rette for bufellesskap også ute i bygdene.
- 7. Ja til søndagsstengte butikkar.
- 8. Utvide høvet til å vere heime med barna når dei er små. Ja til kommunal kontantstøtte.
- 9. Eigedomsskatten er ei urettferdig skattelegging og bør avviklast.
- 10. Ta vare på dyrka og dyrkbar mark med tanke på eigen matproduksjon i vårt nærrområde.
- 11. Ja til at kommunen også nyttar seg av private ideelle og kristne tilbod i rusomsorga, der resultata ofte er best.
- 12. Ja til å forenkle byråkrati og skjemavelde, slik at det mellom anna blir lettare å starte og drive private bedrifter.
- 13. Eit tydeleg Nei til EU.



PARTIET DE KRISTNE

Volda kommune

Val 2015

www.dekristne.no

KANDIDATAR TIL KOMMUNEVALET 2015:



1. Ole Gustav Olsen

F. 1964

«Eldreomsorga bør ha høgste prioritet i kommunen. Alle har rett på ein god livskveld, og det er viktig at alle eldre får den hjelpa dei treng, når dei treng det. Elles så synes eg at det er viktig at samfunnet legg til rette

for at foreldre kan vere mest mulig saman med barna sine når dei er små. Her kan lokal kontantstøtte vere eit godt tiltak. Det er også noko kommunen kan spare pengar på, sidan ein barnehageplass for dei aller minste er svært kostbar. Eg vil også ta med det med samferdsel, infrastruktur og ein god næringspolitikk. Det er viktig at kommunen legg til rette for næringslivet og lyttar til deira behov.»



2. Per Arne Åkenes

F. 1946

«Eg meiner at vi har eit velfungerande sjukehus som er veldig viktig for befolkninga i området. Vi burde få ei regional folkemønstring mot nedlegging/nedbemanning av Volda sjukehus. Nærpoliti er viktig

i bygdene våre. Vi vil behalde lensmannskontoret i Hovdebygda og motarbeide sentralisering til nokre få politikontor i fylket vårt. Når det gjeld kommunesamanslåing meiner eg at lokaldemokratiet i Volda fungerer godt, så å gå saman med Ørsta er inga viktig sak for meg. Derimot synes eg det er viktig å få tilbake kristendomsfaget i skulen, og likeeins at vi får ei opprusting av vegnettet i landet vårt. Til det betaler vi skatt og vegavgift, så vi treng ikkje bomstasjonar til det føremålet.»

3. Hans Reite

F. 1954

4. Anja Nes

F. 1978

5. Lars Heltne


F. 1946

6. Ellen Høydalsvik

F. 1951

7. Kjell M. Klokk

F. 1933



VI ER EIT TYDELEG IKKJE-SOSIALISTISK PARTI SOM VIL ARBEIDE FOR EIT FORPLIKTANDE SAMARBEID PÅ BORGARLEG SIDE I NORSK POLITIKK.

TRYGGLEIK OG FRIDOM FOR ALLE.

VI MEINER AT DEI KRISTNE VERDIANE ER VIKTIG FOR IKKJE Å FÅ EIT KALDT SAMFUNN - Å HJELPE KVARANDRE GIR OSS SAMHALD OG GLEDE.



Eldreomsorga

- Det er dei eldre sjølve og dei pårørande som veit best kvar skoen trykkjer.
- Vi ønskjer å arbeide for eit brukarutval som eit tillegg til den daglege drifta – eit utval som er til beste både for brukar, pårørande og tilsett.
- Vi trur at omsorg er den beste medisin.
- Tryggleik er viktig, og vi vil kjempe for rettferd for alle.

Rus og psykiatri

- Det er viktig at samfunnet stiller opp for dei som treng det mest.
- Vi vil sjå til at kommunen følgjer opp helsereforma som tydeleg seier at det skal vere fritt behandlingstilbod/stad også når det gjeld rus og psykiatri.
- Private og offentlege tilbod skal likestillast, og i rusbehandlinga er det viktig at kommunen også brukar dei private kristne og ideelle tilboda. Det er desse som kan vise til de beste resultatane.
- Alkoholmisbruk er eit stort sosialt problem i samfunnet, og vi vil jobbe med førebygging og haldningsendring for å få ned forbruket.